

11 Hlis tim 21, 2023

Nyob Zoo Cov Niamtxiv thiab Cov Saibxyuas,

Lub caij nplooj zees no los txhua yam yeej tseem mus tau zoo kawg rau ntawm peb tsev kawm ntawv Wilson no thiab! Thaum peb los ntsuas xyuas seb peb lub tsev kawm ntawv kev kawm muaj zog thiab loj hlob npaum cas lawm, daim ntawv ntsuas menyuum kev kawm uas qhia txog lawv tej qhab nias yog ib txoj lw uas peb siv thiab. Peb txaus siab heev rau qhov uas peb cov tub ntxhais kawm ntawv siv zog kawg li. Peb yeej tseem niaj hnub nrhiav kev pab ntxiv los txhawb thiab qhia kom peb cov menyuum txhua tus ntawm Wilson no kawm kom tau rau qhov zoo xwb.

Raws li lub xeev Wisconsin txoj kevcai ([Wis. Stat. 115.385](#)) lub Koomhaum Saibxyuas Menyuum Kev Kawm (The Department of Public Instruction–DPI) yuavtsum tsim kom muaj ib daim ntawv qhia txog menyuum tej qhab nias kev kawm rau txhua lub tsev kawm ntawv thiab txhua cheebtsam uas yog tau txais kev pab nyiaj txiag los ntawm nom tswv rau kev kawm. Txoj lw ntsuas kev kawm no yog siv coj los pab cov tsev kawm ntawv thiab lub cheebtsam ntawd kom paub tias lawv kev qhia ntawv nce siab npaum cas thiaj paub npaj kom menyuum kev kawm tsuas muaj nce qib ntxiv rau yam tom ntej xwb. Mus saib tau cov ntawv ntsuas kev kawm no nyob rau hauv khoos pistawj online ntawm: <http://dpi.wi.gov/accountability/report-cards>.

**Daim ntawv ntsuas kev kawm nyob rau hauv tej lub tsev kawm ntawv uas muaj rau nej mus saib tamsim no yog los ntsuas kev loj hlob rau xyoo kawm ntawv 2022-23 ntawd.** Vim muaj tus kabmob COVID-19 no, DPI xav txhawb kom siv kev xyuam xim thaum los txhais thiab ntsuas cov tsev kawm ntawv tej kev nce qib los loj hlob rau lub xyoo kawm 2022-23 nov.

Nyob rau lub hauvpaus ntawm cov ntawv ntsuas kev kawm no muaj plaub lub ntsiab loj uas txoj lw no ntsuas. Cov tsev kawm ntawv thiab tej cov cheebtsam tau txais ib tus qhab nias los ntsuas cov ntsiab li nram no:

- **Tiav Npaum Cas** - kev nyeem ntawv sau ntawv (ELA) thiab lej tau qhab nias zoo thaum los xeem lub xeev txojkev soj ntsuam kev kawm txhua xyoo
- **Kev Loj Hlob** - muaj kev loj hlob ib xyoo dhaus ib xyoo rau hoob ELA thiab lej
- **Kev Pab rau cov Cheemtsum** - kev pab rau cov menyuum uas xeem tau qis tshaj plaws: pab cheemtsum kev pab.
- **Tabtom ncav homphiaj cuv ntawv** - ntsuas thiab paub txog seb menyuum kev kawm loj hlob lossis nce npaum cas seb puas ncav cuag lub homphiaj kom kawm tiav qib K-12.

Muab cov ntsiab loj no suav uake nrog lwm cov kev kawm rau menyuum cov qhab nias thiab muaj luj ntawm 0 txog 100. Tus qhab nias no muaj qhia rau ntawm tsev kawm ntawv lossis lub cheebtsam ntawd daim ntawv ntsuas kev kawm. Tseem ceeb kom nej paub tias tus lej 0 txog 100 ntawd tsi yog ntsuas thwj heev lossis kom muab thwm ua ib qho loj. Nyob ntawm seb tus lej siv los luj ntawd siab los qis npaum cas, lub tsev kawm ntawv lossis lub cheebtsam tsev kawm ntawd yuav tau txais ib qho ntawm tsib qho kev ntsuas xyuas no, ntawm *Tus Ncua tsi Ncav*

*Homphiaj li mus txog rau Ua Tau Tshaj Homphiaj Kom Tseg Deb Heev, nrog rau seb yuav tau pestsawg lub hnuv qub ib txog tsib ntawd.*

Ntawm nov yog qee yam peb xav muab qhia rau nej txog ntawm peb lub tsev kawm ntawv daim ntawv sojntsuam los luj kev kawm tias peb tsev kawm ntawv zoo npaum cas:

- Thaum muab txhua yam los luj huvsu uake, Wilson tau txais tus qhab nias tias peb ***Ua Tau Tshaj Homphiaj Kom Tseg Deb Heev.***
- Ntsuas kev kawm rau hoob qhia nyeem ntawv, sau ntawv (English Language Arts) thiab hoob Lej los kuj siab tshaj li lub xeev tus ciam teb siv los ntsuas sawvdaws lawm.
- Thamtsam 90 feem pua ( 90%) ntawm Wilson cov tub ntxhais kawm ntawv yeej ncav qhov homphiaj uas npaj lawv rau kev kawm kom cuv ntawv.
- Wilson cov tub ntxhais kawm ntawv yeej mob siab rau kev kawm tsi muaj cov qhaj ntawv coob vim li no nws pab tau ntau heev rau kom peb tsev kawm ntawv yog ib lub chaws kawm uas zoo heev.

Kuv xav muab cov ntawm no qhia rau nej sawvdaws paub vim cov ciam ntsuas kev kawm no yuav ua rau nej pom tias yam peb tsev kawm ua tau zoo tshaj yog dabtsi thiab yam uas tseem yuav rhawv kev pab ntxiv kom haj yam zoo tom ntej no yog dabtsi nyob rau ntawm peb lub tsev kawm/cheebtsam nov. Tiamsi ua li DPI twb qhia tas lawm thiab tias, tej kev ntsuas thiab luj no tsuas yog ib nyuas feem me me uas qhia txog peb lub tsev kawm xwb. Qhov muaj nqis tshaj lossis tseemceeb tshaj uas qhia tau tias peb lub tsev kawm no dhaus mus ua ib lub zoo tshaj yog los ntawm kev sib pab sib txhawb ntawm cov neeg ua haujlwm thiab cov naiskhu, cov menyuam txhua tus, thiab cov tsevneeg sawvdaws.

Mus saib tau tsev kawm ntawv thiab peb cheebtsam daim ntawv ntsuas kev kawm no nyob rau online ntawm <http://dpi.wi.gov/accountability/report-cards> nrog rau lwm yam ntau ntawv qhia txog txoj lw uas siv los ntsuas no. Peb lub tsev kawm ntawv daim ntawv ntsuas kev kawm los kuj muaj nyob rau hauv peb qhov vej xaij ntawm <https://www.sheboygan.k12.wi.us/wilson/about/state-report-cards>

Yog koj muaj lus nug txog dabtsi lossis xav sib tawm tswvyim li cas no los hais qhia tuaj mus rau kuv paub thiab.

Sau Npe,

Kyle Moore

Tus Thajkhu - Wilson Tsev Kawm Ntawv Teem Yau

kmoore@sasd.net